

<><><><><><>

Headlines

1. लेफ्टिनेंट गवर्नर मनोज सिन्हा होरें जम्मू-कश्मीर च टिकाऊ तरक्की-बाददे ते समाजी विकास लेई सामरिक महत्व आहले नजरिये दी जरूरत पर जोर पाया ऐ।
2. मुख्यमंत्री ओमर अब्दुल्ला होरें आखेआ ऐ जे उं'दी सरकार, जम्मू-कश्मीर च बपार-कारोबार दे मुआफिक म्हौल जकीनी बनाने लेई वचनबद्ध ऐ।
3. जंगलात मंत्री जावेद अहमद राणा होरें जम्मू च जनजातीय समुदायें दे नुमाइंदें कन्नै बैठक लाइयै बक्ख-बक्ख महत्वपूर्ण मामलें पर गल्लबात कीती ते जनजातीय समुदायें दे कल्याण लेई सरकार दी वचनबद्धता गी फही पक्का कीता।
4. मुख्य सचिव अटल डुल्लु होरें जम्मू-कश्मीर ग्रामीण आजीविका मिशन गी तगड़ा बनाने लेई इक उच्ची सतह दी बैठक लाइ ते ग्रामीण समुदायें गी सशक्त बनाने लेई सरकार दी वचनबद्धता गी दोहराया।
5. मौसम विभाग नै जम्मू-कश्मीर लेई मौसम मतल्लक सलाह जारी कीती ऐ। प्रदेश च कल्लै तोहड़ी भारी बरखा, बर्फबारी ते अंधी-झक्खड़ झुल्लने दी चेतावनी।

<><><><><><>

LG-Interaction

उपराज्यपाल मनोज सिन्हा होरें अज्ज आखेआ जे सरकार नै पिछले 5एं ब'रें च जम्मू कश्मीर दे समूलचे विकास आसतै इक रणनीतिक ते बहुआयामी दृष्टिकोण अपनाया ऐ। श्रीनगर च वाईपीओ ग्लोबल वन दे सदस्ये कन्नै गल्लबात दे दरान उनें आर्थिक विकास, स्थिरता ते समाल कल्याण योजनाएं गी बिना कुसै अड़चने दे लागू करने पर जोर दित्ता। उपराज्यपाल होरें खेत्तर दे औद्योगिक समर्थ दा फायदा लैंदे होई तेज टिकाऊ ते समावेशी आर्थिक विकास हासल करने दे उद्देश्य पर लोह पाई। उनें लम्मे समें दी कामयाबी आस्तै सामाजिक विकास दे कन्नै आर्थिक तरक्की गी संतुलित करने दे महत्व पर बी जोर दित्ता।

<><><><><><>

CM Meeting

मुख्यमंत्री ओमर अब्दुल्ला होरें अज्ज सिविल सैक्रेटेरिएट च इक उच्ची सतह दी बैठक लाइयै बपार-कारोबार गी सखल्ला बनाने सरबन्धी ढांचे दे तैहत औपचारिकताएं गी घट्ट करने दे कम्मै च हासल प्रगति दा जाजया लैता। प्रदेश च कारोबार दे मुआफिक म्हौल कायम करने दे महत्व पर लोऽ पांदे होई मुख्यमंत्री होरें सरबन्धत विभागें गी निर्देश दित्ते जे ओह सुधार सरबन्धी कार्ययोजनाएं गी 15एं-15एं दिनें दे लक्ष्ये च तब्दील करदे होई अगड़ी कार्रवाई जकीनी बनान। उ'नें आखेआ जे एहदे लेई एम.आई.एस. पोर्टल उप्पर बेल्ले सिर दस्तावेज अपलोड करने ते बिजन चिर लाए दे एहदी अमल-आवरी जकीनी बनाना शामिल ऐ। बैठक दरान जेहड़े मामलें उप्पर मुख् करी ध्यान केन्द्रित कीता गेआ उं'दे च जिमीं दे इस्तेमाल सरबन्धी सुधार, डिजिटलीकरण, श्रम कानूनें च तब्दीलियां ते इक्कै थाहरै पर बक्ख-बक्ख मंजूरियां दित्ते जाने आहली बवस्था लागू करना शामिल न। मुख्यमंत्री होरें इ'नें कम्में च हासल प्रगति दी निगरानी लेई म्हीने च द'उं बारी जायजा लैते जाने दा ऐलान कीता। वरिष्ठ अधिकारिएं, श्रीनगर थमां वीडियो कांफ्रेंस दे राहें इस बैठका च हिस्सा लैता। मुख्यमंत्री होरें बपार-कारोबार दे मुआफिक म्हौल जकीनी बनाने ते बक्ख-बक्ख खेत्तरें च नियामक ढांचें गी चुस्त-दुरुस्त बनाने दी अपनी सरकार दी वचनबद्धता गी फही पक्का कीता।

<><><><><><>

जंगलात मैहकमे दे मंत्री जावेद अहमद राणा होरें अज्ज कठुआ, सांबा, उधमपुर, रियासी ते जम्मू जिलें थमां आए दे जनजाती समुदास दे प्रतिनिधिएं कन्नै पंचैत भवन जम्मू च इक बैठक लाइयै बक्ख-बक्ख मामलें पर तपसीली गल्लबात कीती। बैठक दा मकसद, जनजाती समुदास कन्नै सरबंधत मामलें बारै जानकारी हासल करना हा, जिं'दे च जंगलात सरबंधी अधिकारें आहले कानून, मवेशिएं गी चराने सरबंधी अधिकारें, गश्ती स्कूलें ते सेहत सरबंधी सेवाएं आहले मामले मुख्त तौर उपपर शामिल हे। मंत्री होरें उ'नें'गी जनजाती समुदास दे विकास-बाददे लेई सरकार दी वचनबद्धता दा जकीन दोआया। पट्टीदर्ज जातिएं, जनजातिएं ते गरीब समूहें दे विकास लेई ओमर अब्दुल्ला हुं'दी अगुवाई आहली सरकार दी प्राथमिकता गी दोहरांदे होई मंत्री होरें आखेआ जे ओह संविधान मूजब, जनजाती समुदायें दे अधिकारें दी हिफाजत लेई वचनें बज्जे दे न ते उ'दे कल्याण लेई सब्बै मुमकन गैहीं पुट्टियां जाडन। उ'नें आखेआ

<><><><><><>

Earthquake

अफगानिस्तान च अज्ज दपैहरी तकरीबन 12 बज्जियै 20एं मिटें पर रिक्टर पैमाने पर 5.8 तीव्रता दा भूचाल आया, जेह्दे कन्नै जम्मू कश्मीर दे किश हिस्सें च बी भूचाल दे झटके मसूस कीते गे। विशेष रूपै कन्नै पुंछ जिले च जित्थें झटके गी जोरदार तरीके कन्नै मसूस कीता गेआ। भूचाल नै किश चिर आस्तै देहशत पैदा करी दित्ती जेह्दे चलदे लोक घरें ते दफ्ते शा बाहर निकली गे। साढे पुंछ जिले दे संवाददाता नै खबर दित्ती ऐ ते पुंछ जां आले दुआले दे इलाकें च ककुसा दे बी हताहत होने जां फही कुसै नुक्सान दी पुष्टि नेई होइ ऐ। मकामी अधिकारिण सुरक्षा प्रोटोकाल गी सक्रिय करी दित्ता ऐ ते आपातकालीन सेवा तैआर न। बसनीकें गी सलाह दित्ती जंदी ऐ जे ओह चौकस रौहन सुरक्षा मानकें दी पालमा करन।

<><><><><><>

सार्वजनिक सेहत दी दिशा च इक बड्डी गैह पुट्टदे होई डोडा दे जिला मैजिस्ट्रेट होरें भारती न्याय सुरक्षा संहिता दी दफा 163 दे तैहत 'कूल लिप' नांS दे तम्बाकू उत्पाद दे संग्रैह, बिक्री ते बंड्ड उपपर पूरा चाल्ली कन्नै बंदश लाई दित्ती ऐ। एह फैसला, स्कूली बच्चें आसेआ इस तम्बाकू उत्पाद दा सेवन करने दिण रिपोर्टें दे मददेनजर लैता गेआ ऐ। अध्यापकें ते बच्चें दे माता-पिताएं इस उत्पाद दी बिक्री उपपर बडी मती चैता जाहर कीती ही। एह गैह विद्यार्थिण दी नरोई सेहत जकीनी बनाने ते उ'नें'गी नशा मुक्त म्हाल उपलब्ध करोआने दी प्रशासन दी वचनबद्धता गी दर्शादी ऐ। इस सरबंधै च होर मती जानकारी देआ करदे न डोडा दे एडीसी अनिल कुमार ठाकुर

<><><><><><>

CS SHG

जम्मू-कश्मीर ग्रामीण आजीविका मिशन गी सशक्त बनाने दी दिशा च इक बड्डी गैह पुट्टदे होई मुख्त सचिव अटल डुल्लु होरें राष्ट्री स्तर दे संगठनें – कदम्बश्री नेशनल रिसोर्स आर्गेनाइजेशन ते आजीविका प्रबंधन ते सुधार संस्था दे प्रतिनिधिएं कन्नै इक उच्ची सतह दी बैठक लाई। बैठक दरान, केन्द्र शासित प्रदेश च आप-सहायता समूहें गी संस्थागत मदाद ते सिखलाई उपलब्ध करोआने सने उ'दे समर्थ निर्माण लेई इ'नें संगठनें दी म्हायत गी इस्तेमाल च आहने उपपर ध्यान केन्द्रित कीता गेआ। इस मौके पर एह जानकारी दित्ती गेई जे आजीविका प्रबंधन ते सुधार संस्था आसेआ, बड्डी परियोजनाएं लेई जम्मू ते कश्मीर च इक-इक ब्लॉक गी गोद लैता जाहग। एह दौने गै संगठन डिजिटल पुज्ज बधाने ते कौशल विकास लेई मदाद उपलब्ध करोआडन। मुख्त सचिव होरें इ'नें संगठनें दिण पैहलकदमिण दा सोआगत करदे होई ग्रामीण समुदायें गी सशक्त बनाने दी सरकार दी वचनबद्धता गी फही पक्का कीता।

<><><><><><>

Hajj Pilgrims

जम्मू-कश्मीर थमां हज पर जाने आहले जात्तरिएं दी गिनतरी च बड़ी मती कमी दिक्खी जा'रदी ऐ ते इस ब'रे छड़े 3 ज्हार 624 श्रद्धालु गै जम्मू-कश्मीर थमां पवित्तर हज जात्तरा लेई जाडन। जदके 2024 च इ'दी गिनतरी 7 ज्हार 8 ते 2023 च 12 ज्हार 79 ही। आकाशवाणी जम्मू दे संवाददाता दी रिपोर्ट मूजब, पिच्छले द'उं ब'रें दरान हज जात्तरिएं दी गिनतरी च 70 फीसद दी कमी दे पिच्छे दी वजह, सब्सिडी खत्म कीते जाने परैन्त बधी दी जात्तरा लागत, विदेशी एयरलाईनें दी कमी ते सउदी अरब च बड़ी मती गर्मी गी मन्नेआ जा'रदा ऐ। मेद ऐ श्रीनगर थमां हज लेई डुआरियां औ'दी 4 मई शा शुरु होई जाडन। 440 हज जात्तरिएं गी लेइयै नमीं दिल्ली थमां इक बाददू डुआरी बी रवाना होग।

<><><><><><>

MET Deptt (byte)

मौसम विभाग नै जम्मू-कश्मीर आस्तै मौसम सरबंधी ताजा सलाह जारी कीती ऐ, जेहदे च सक्रिय पच्छमी विक्षोभ दे कारण कल्लै तगर भारी बरखा, बर्फबारी, अंधी-झक्खड़ ते तेज ब्हाएं दी चेतावनी दित्ती गई ऐ। मौसम सरबंधी ताजा सूचना दे बाद उधमपुर च भिड़ुड पालन मैहकमे नै खानाबदोश समुदायें गी सलाह दित्ती ऐ जे ओह अपने मौसमी प्रवास दे मझाटै मैदानी इलाकें च गै रौह्न ते मती उंचाई पर जाने कोला बचन। सलाह गी मन्नदे होई केई खानाबदोश नरसू इलाके च गै रूकी गेदे न। होर जानकारी दि'दे होई वेटनी असिस्टेंट सर्जन डाक्टर राकेश कुमार होरें दस्सेआ

<><><><><><>

राज्य आपदा मोचन बल नै अज्ज पुंछ दे कोल पुलस्त दरियाच फसे दे 5 शा 7 मछेरे गी बचाया। एह मछेरे मच्छी फड़दे होई पानी दे बधदे स्तर ते तेज धाराएं च फसी गे हे। एसडीआरएफ दिएं टीम विशेष उपकरणें कन्नै तौले गै कारवाई शुरु कीती ते सब्बने फसे दे लोकें गी सुरक्षत कंडे पर पजाया। अधिकारिएं बाद च दक सार्वजनिक सलाह जारी करियै आखेआ जे मौसमी पानी दे उछाल दे कारण दरिया दे कंडे सावधानी बरतने दा आग्रह कीता ते भविक्ख च कुसै बी आपात स्थिति आस्तै वौकस रौह्ने दी सलाह दित्ती। होर जानकारी दि'दे होई एसडीआरएफ दी टीम दे इक सदस्य नै आखेआ

<><><><><><>

